

Concept rg en consultaziun

Fasa da consultaziun per il concept rumantsch grischun en scola cuzza mo anc paucs dis

DA MARTIN CABALZAR

■ **Dacurt ha cusseglier guvernativ Claudio Lardi preschentà las emprimas propostas per in concept da basa «rumantsch grischun en scola». Fin mez november pon singuls u gruppas interessadas inoltrar lur pusi-ziun a l'uffizi da cultura.** Cun la

publicaziun da l'entir concept vul La Quotidiana contribuir ad ina meglra infurmaziun da la populaziun rumantscha e promover in scomi da meinis davart questa tematica che vegn discutada actualmain a moda fitg contraversa entaifer la Rumantschia. LQ avra era ses Forum per la publicaziun da chartas da lectur e gida qua tras a furmar il maini public. Sco quai che *Claudio Lardi* ha sincerà vegnia il departament d'educaziun ad examinar las reacziuns e preschentar silsunter a la regenza ina versiun purifitgada da quel sboz che po vegnir consultà sut «www.rumantsch-grischun.ch». Sco persona da contact funcziuna il manader da la gruppa da lavur *Ivo Berther*. Tenor Lardi vegn la regenza pobablmain ad approvar quest concept da basa purifi-



Cura ch'il rumantsch grischun vegn introduci en las scolas rumantschas pon las vischnancas decider ensemen cun il chantun Grischun.

KEYSTONE

gà anc en il decurs dal december 2004 sco empermess al cussegel grond. Quel aveva decidì gia l'avust 2003 d'edir a partir da

2005 ils novs meds d'instrucziun sulettamain en rumantsch grischun. Il cussegel grond ha plinavant incumbesà a la regenza in

concept da basa per l'introducziun dal rg en scola.

> PAGINAS 2, 3 E 19